


¡BOMBA!

Nuevo estilo son las giras
y cosechar apapacho;
En Yucatán, si bien miras,
sería buen comparsa *Huacho*



K'iintsil

Miércoles 17 de julio de 2024

CAMPECHE · YUCATÁN · QUINTANA ROO · AÑO 10 · NÚMERO 2278 · www.lajornadamaya.mx



Ku beeta'al páayt'aan ti'al u táakpajal máak tu meyajilo'ob u k'iimbesajil xok tu péetlu'umil Quintana Roo

Julioe' U Winalil Xok tu péetlu'umil Quintana Roo, ts'o'oke' ti'al u k'iimbesa'ale' yaan u beeta'al jejeláas meyajo'ob ti'al u péektsilta'al ich kaaj u k'a'anani u kaláanta'alo'ob. Le je'ela' yaan u béeytal ikil u múul yantal meyaj ichil u múuch'kabilo'ob kaaj, jo'olpóopo'ob yéetel kaaj ku yáantaj ti'al u kaláanta'al u kuxtalil k'ák'náab.

K'iimbesaje' u bolontéenil u beeta'al tumen u múuch'kabil Saving Our Sharks; káaj u beeta'al ikil u k'a'ajsá'al xan U K'iinil u Péektsilta'al Xok ichil tuláakal yóok'ol kaab, lalaj 14 ti' julio. Le beetik túune', le winalá, táakbesa'an ichil meyajo'ob yéetel taak'in suuk u beea'al te'el péetlu'umo' lik'ul u ja'abil 2021, tu'ux ku yáantaj xan Secretaría de Ecología y Medio Ambiente (Sema) ikil u chiikbesik xok beeey

juntúul ba'alche' k'a'anán ti'al u kéet yantal kuxtal.

Yaan u yantal jejeláasil tsikbaloo'ob kun beetbil tumen ajxaak'al xooko'ob yéetel yaan u beeta'al káampányás tu'ux kun péektsiltbil kuxtal yaan ich k'ák'náab. Maanal 40 u p'eel meyajo'ob kun beetbil ti' Internet, ba'ale' beyxan ti' jayp'eel kúuchilo'ob.

Jayp'eel múuch'kabilo'ob kun táakpajal te'el k'iimbesaja'

leti' le je'elo'oba': Sociedad Mexicana de Peces Cartilaginosos, Cat Sharks de España, Ciencia de Tiburones, Cooperativa Kab Xok, Chooj Ajahuil, Universidad del Caribe, Universidad Autónoma de Quintana Roo, Luis Javier Sandoval Photography, Parley México, Desmitificando Tiburones, Luum Pakul Alternativo, Canoa Maya yéetel Roller Girls Cancún.